

**Level: A**

**Plata de lëur per l'ejam a usc**

**Tëmp per se njenië ca: 10 menuc**

**L'ejam a usc ie partì su te doi pertes: te na prima pert giapëis n test ladin da liejer y capì cun cater dumandes da njenië ca per la segunda pert, la cunversazion a usc. Ntan la cunversazion a usc respundëis ala dumandes y la cumiscion possa mo Ve fé dumandes liedies sëuraprò.**

**1 Na udleda ala storia dla fotografia**

2 Dan 150 ani canche la prima fotografies ie unides fates, foveles mo zeche de rer. Fé  
3 fotos fova a chëi tëmps zeche de modern y nia cunesciù da gran pert dla jënt. I prim  
4 fotografs, che univa dala zità y straciova pea njins che pesova scialdi, messova avëi  
5 fat na gran mprescion sun la jënt da paur dla valeda. Vel'un se arà bën mpensà che  
6 chësta scatola de lën cun tamez n busc de scipa fossa n'opra dl malan.  
7 Un di prim fotografs fova a Bulsan Franz Ortner che laurova bele te Gherdëina ala fin  
8 di ani 1870. Èl pultrova ju la persones cun la troht y de chësta fotografies se nuzova  
9 pona bera Šepl da Jumbierch che les tulova ca coche mostres per si chedri.  
10 Per truep seculi ne n'iel nia stat mesun tenì su mumënc dla vita, ora che tla memoria  
11 o cun l'penel de n bon moler. Artisć depenjova pultrec, raions o ududes dl luech sun  
12 si tëiles o fajova nzijions de ram. N pultret depënt fova zeche de cëre, n luxus che  
13 mé puec dal muet pudova se vaghé. Tl'ert cunescioven bele da giut tecniches che ti  
14 semiova ala fotografia. N cunesciova bele tl'antichità la *camera oscura*, na scatola  
15 scura te chëla che la lum lunova ite y che fajova dainora n cheder drusà. Permò l'  
16 svilup dla sciences natureles à purtà pro ala nvenzion dla fotografia ntan l'19ejim  
17 secul. Al scumenciamënt dl 18ejim secul an abinà ora che n cër sel da arjënt ie  
18 sensibl ala lum. Tres la *camera oscura* ie l'franzëus Nicéphore Niepce tl'1826 stat  
19 bon de fé la prima fotografia: sun na plata de stani curida da asfalt se ova, do 8 ëura  
20 de tëmp de espusizion ala lum, drucà ite la cuntreda che n udova dan si viere. Louis  
21 Daguerre, ie pona chël che ie jit ite tla storia coche l' nventëur dla fotografia. L'ie stat  
22 bon de scurté l'tëmp de espusizion ala lum ajache l' à tëut ca plates d'arjënt tratades  
23 cun iot y soluzions de sel per les fissé. La pruzedura miureda al prejentà per l'prim  
24 iede sota l'inuem de „*daguerrotipia*“ tl'1839 a Paris. Nscila iel nasciù la fotografia,  
25 nce sce l'fova mo de bujën de truep miuramënc ajache la tecnica de Daguerre ova  
26 mo bëndebò de defec.  
27 Canche n ova pona ti ani o miec dejeneies dedò abinà ora co ti vester, fova la streda  
28 davierta per l'adurvanza cumerziela dla fotografia. Fotografé ie diventà for plu a  
29 bonmarcià, scëmpl y saurì. Chëi de zità à tëut su cun ntujiasm la nuvità.

- 1. Can an pa metù man de fé fotografies y cie fovel pa dant?**
- 2. Ciunes ie pa states la scuiertes plu mputantes tl mond dla fotografia?**
- 3. Cie se à pa mudà dala fotografia de n iede nchin al didancuei?**
- 4. Cie ve ndijëis'a Vo dl svilup dla tecnologia n cont dla fotografia al didancuei?**
- 5. Dumandes liedies.**